

## Atamalar

5. Ushbu standartda foydalaniladigan atamalar:

Favquloddagi daromad (zarar) — xo‘jalik yurituvchi sub’yektning odatdagi faoliyatidan aniq farq qiladigan, ya’ni tez-tez yoki muntazam sodir bo‘lmaydigan hodisalar yoki bitimlar natijasida yuzaga kelgan daromadlar yoki xarajatlarni namoyon etadi.

Umumxo‘jalik faoliyati — odatiy faoliyat hisoblangan xo‘jalik yurituvchi sub’yektning har qanday tadbirkorlik faoliyati, shuningdek xo‘jalik yurituvchi sub’yektning kelgusida rivojlantirishga, iqtisodiy nafini oshirishga va mustahkamlashga yo‘naltirilgan faoliyatidir.

Tugatilgan faoliyat bu xo‘jalik yurituvchi sub’yektning aktivlari, sof daromad yoki zarari va faoliyatni, shu jumladan moliyaviy hisobotlarni ajratib olinishi mumkin bo‘lgan ushbu xo‘jalik yurituvchi sub’yekt faoliyatining alohida, asosiy yo‘nalishini namoyon etuvchi operatsiyani sotish yoki boshqa shaxsga berish natijasi bo‘lib hisoblanadi.

Jiddiy (muhim) xatolar — joriy davrda aniqlangan xatolar bo‘lib, ular shu qadar muhim bo‘ladiki, o‘tgan davrlar moliyaviy hisobotlari ishonchli deb hisoblanishi mumkin emas.

Hisob siyosati — bu xo‘jalik yurituvchi sub’yekt tomonidan buxgalteriya hisobini yuritish va moliyaviy hisobot tuzish uchun qo‘llaydigan usullari, ularning prinsip va asoslari bilan birgalikdagi jamlamasidir.